

大清光緒十五年

本館新聞除禮拜外日出一
紙 諸君賜閱本報者無論
本埠外埠均可函致本館取
閱如外埠閱報加寄費可
也除日報外常刊送外復不
惜工本從英國採辦新書裁
紙各機器以待與 各官商
刊印書籍單件並有英國各
種活字及各式花邊等延有
西人操印工藝甚精所有中
西文字均能翻印並有石版
印字大小機器均用精工

第 二 千 二 百 三 十 四 號

申報

本館開設在舊巴路口門牌第十四號

印工緻絕倫前延有文士書
寫各體文字現由上海購到
各種書籍出售其書目另行
刊佈所有各項價甚相宜再
本館所登來札原擇其有關
世道人心者附登否亦須無
礙於人而後始錄其有謬屬
成文以及支離辭解者概不
登報嗣後 諸君來札倘祈
自諒更須寫實附里而後敢
登但來稿登與不登均不能
將原稿收回也 本館謹白

已丑四月初八日

凡刊報者每月每張一元每日每張五仙 大英一千八百八十九年五月七號禮拜二 凡刊報者每日每張一仙第二日以下每張半仙

寄報聲明 ○啟者本報所出報紙其價係按年而算而半年開單一次領取報費此與零沽者有
所不同近見外埠諸君取閱本報者或有僅一二月之久即為止其更有取巧者取閱本報迨結半年開
單往收報費之時則竟託詞謂已致寄本報者為寄何以復送前來緣是即欲圖沒報費殊堪痛恨竊思
本館之報原期大眾同觀諸事之濟否不在一人倘不欲賜閱即以一兩投本館斷無有不為之止截豈有
強人看閱之理則此言之詐可知茲特聲明 諸君止看本報者必須諸函由國家信館寄助投之本館
始為准信倘本館未接來函仍為派送則不妨再為示教至於取閱報紙必須至一年半年方能止截否即
作為零沽當按價索償勿謂言之不預也特此聲明 本館謹白

酬備說

昨本報曾作一論謂用人當知其所苦此本至公至平之說不能指其立言之乖而再四思之終有可議之
處蓋止見得一邊未嘗為酬備者計及也夫人自出血本而為經營生意之盈虧於人無涉倘鴻毛遇順三
倍利操則如倚傾陶朱可以致富而充我帶囊為富家翁方不負平日會計之謀而初志克遂由是而營造
屋宇多置產業嬌妻美妾恣我歡娛侍女僕童供我使用心之所欲力足以圖之方之所圖福足以享之此
等滿志愜心方為賢選中百中技如生埋未暢事與心違所入者稀而所出者大東羅西扯不外蝕肉醫瘡
資本日虧而支用日浩此取貧之道雖充本出繼仍是流水擲土僅緩須臾此等艱難誰任其責故福則獨
享亦禍則獨膺非有以籌之何以使生意滔滔蒸蒸日上特是牛理之能否暢旺權操之人我不能遍而哀
之使為我利惟有省費一法為商務中第一良圖然而事雖獨承勢必分任而既有分任則必有酬備彼求
我財用彼力各有所望亦各有所需而店務之紛煩庶可就緒若不備諸夥伴事必躬行恐一人之精力無
多不能兼顧且材類不一各有所能非集眾長何以成焉不素可知有生理即有盤數固不能或外者嗟嗟
生意既難操必勝而盤數又不能廉將血染青蚨其何以權子母所謂營造屋宇多置產業之大欲不敢望
其或償矣艱難措就之資使以輕商而取撫躬自問其何以甘惟更有一法焉遷延儲備之謂也慮其酬
之之數而以出納之吝為積蓄之謀其備於我者任之輕重不必計也才之大小不必計也事之勤惰不必
計也總而行之我用我法凡有取值則以東主之勢臨之臨之而有怨容則以慰言緩之緩之而復頻催則
以些微賤之使之味同雞肋而實主之隔又不可以財帛之故至有怨言惟有耐苦謹言已耳家用之所需
衣服之添置以及一切朋友贈答皆為獨免焉其人為父母俱亡未有妻子絕交寡慾能甘子夏之鴛衣百
結而後可也一苟不免則殊難為清而彼仍不計及也亦曰財帛我何忍輕以與人其為境況不堪何妨
膜視且謀生不易賦閒者甚多彼不能甘或而辭去而伺門左者有人伺門右者有人何思其位之虛而待
補乎哉呼而與之甚於黔婁可矣嗚呼為儲之難固有如是者曾亦知寧為雞口莫為牛後之說乎萬里依
人而受困不免自維志氣能無超然然使儲值未償留以充本則遲遲不發猶外府之藏耳他日以其贏餘
而為各伴分肥之地其計亦得即不然如值相給而生意興隆食其食者憂且憂亦是休戚相關之本分既
無虧本且大有起色利獲倍徙我亦有光不至有虛冗之論則雖儲值不發日在窮中亦可苦其煩忘如始
之味而無如事未可知也今夫知有己而不知有人者常情也戀現在之樂而忘後此之患者通弊也使當
一權在手之時凡平日之所欲得而未獲者至此並償其願青樓歌院其可以怡情者則就之矣飾鮮衣其
可以助觀者則置之而囊內無多其何以各如其願勢必於店中悉索將應發之儲值從而括之盡供已慾
人之待養人之待衣何暇代想惟自取其樂可也此不知有人之說也天下斷無勞而不償之理無論業之
貴賤莫不如斯其能忍而受之者非出於偽即出於無可如何耳而私心之中仍不免有所怨望則凡任一
事未必竭盡心力而期於無瑕即感交處之情或別有所戀而因貧苦之困必求所以少蘇既不得於儲則
馳騁於外心思既難結粗自殊究於授事之初心未嘗無忤憤事之漸此為厲階矣雖然彼之耽欲忘禍何
嘗偶一念及惟知妓女如是情重何忍拋撇酒宴如是娛人何忍或輟人生行樂會須及時若以遠慮懷心
便非達士縱其心之所樂可也此忘後患之說也夫如是則焉有不敗之理雖然人各有心不能以言詞可
動今之為是論者殆為前論補其偏云爾

整頓郵務 ○檳城西報云現本坡郵政司言往檳城以整頓郵政事宜蓋因近來檳城郵務局諸人常有更換之端而所用多為生手故辦理多不能周妥是以郵政司往嶼特將此事妥為整頓擬將該局舊人薦往他署當公者增其薪水調回該局而該局現在所用之新手則設法調往他處當云云

禮接英雄 ○越南邇來信息言前有盜魁某因不忍生靈之塗炭與去言成口抵東京地方有司吹接甚為殷勤某少駐嶼即乘輕騎率其部曲前往河內遊玩沿途散錢施給貧民以故歡聲載道河內法員得聞其至即遠出迎迓執禮甚恭待如一家并導其等往遊各處地方賓主間殊形歡洽云云夫法員果能如此延接草莽英雄則越事想不難告靖矣

贖賞捕鯉 ○接檳城邇來信息有言該處督署眼災馬路及丹戎都工等處一帶海面多有漁人於此捕魚為業臨流撒網所獲亦頗不廉乃該處漁人近來忽爾停其生准不敢復操是業查其故緣該處港中近日到有鱷魚三尾殊為民害其最巨者尤嗜食人日前一捕蝦受正在撒網中流詎鱷魚忽至遂為所噬幸時漁人甚眾乃拚命將受救回雖幸性命無虞而受傷亦殊不淺矣嗣諸漁人以受為鱷所傷因不敢復漁於是處近日以來江干風定鷗鷺驚諸漁人向裏足不前空作臨淵之美現在諸漁人乃聯資共出花紅二十元召能者往除此鱷前數日有還僧寓於該處者得聞此事欣然往見漁人欲以符咒以除此鱷惟須先交賞費而後施術奈眾未能深信以故不果現聞復有某獵戶毅然而出欲任此事以為居民除害云

朝事西簡 ○日本西報云接到高麗漢陽都城西歷三月二十二日電音知美國人德尼收到李傅相給與洋銀三萬三千元決意辭職回國云云而上海西報則云風聞中國派駐朝鮮商務委員袁慰亭觀察不日乘調回華所遺之缺或謂以招商局總辦馬良叔觀察之兄卿伯中翰接辦或謂以李傅相幕府中之羅稷臣觀察前往惟皆未見明文也

商途日暢 ○法國越事生理向來無甚銷流乃近接該處來信有言東京及附近紅河一帶地方其商貨現已日饒起色計自西正月一起至三月二十三號止所銷鐘表玩物等已共值有二萬七千五百六十四元之多而諸式商人尤以華人為眾現得法官力為保護不至為暴客所凌故生理益前此情形想法貨漸可以銷流於越矣

命案錄聞 ○接小白蠟邇來郵信言該處近有殺妻之案一起先是華人某旅居該處地方曾在發處娶妻居住嗣某以事回華因留婦居於客舍乃某回華未久得聞信息謂婦不貞竟與外人有染云云某聞是耗忿火中燒即於前南來忽忽至白蠟地方覓其住處至則桃花依舊人面全非其妻已不知潛往何方某恨極乃懷刃於身出外偵訪經將一月仍覺杳無踪兆迨至去月二十四日某復出適遇其妻於巡捕官署前某怒極並不言即以刃刺之婦大呼一聲即倒地而斃而某遂為巡差執獲詢其何故殺人某將前情侃侃而言毫無驚怖之狀云現此案尚未經處有司訊定不知作何辦理也


手耳作目 ○霧裏看花世人猶以為憾蓋謂其妍媸難辨則與致索然也況夫目已失明聞香而不辨色其遺憾更不知作何懊惱矣既天公不作好無可如何則當自怨前生從而懺悔於一切艷麗評花之事收拾淨盡以待補於來生若為似續之謀則姑娶一空色之登摩兩難相前咫尺如萬里觀面無從可矣或不然而委命於赤繩要一蓬頭婦其色之美惡在所不計但得日則醉舉夜則食枕足矣何可不自擲度復溺志於青樓且欲拔其尤不惜纏頭之費此不特盲者不忘視直欲看上苑之花味可噴飯助有警者遺其姓名聞是潮籍人來助以卜算為活其行囊之厚薄不可得而知而性愛淫極厭錄苦因命人導至牛車水某勾院為狎客其相以彼暗而可欺也因與該院預約以嫖者証之為研而復尋其偵督者不辨真偽惟以耳聽其聲聲嬌媚則美惟以手撫其體體滑則美聲嬌體滑則為全璧即古之南威西子也所索之值即欣然與之不復計較由是所導之相與所狎之妓皆以之為魚肉不料事無不洩為警者偵知遂另覓相者而與妓作鬧此昨日事也是時觀者其眾皆為之捧腹云

餘聞補錄 ○前數日本館所錄舟子積弊一則內言粵人邱某由吉隆抵叻至埠之際已將近黃昏時候僱舟抵岸為榜人所翼幾有不測之禍後以身無長物故榜人舍之是時已鳴捕欲逮適有列等差見之以其無憑故縱之使去前錄至捕房者蓋傳聞之誤也其小舟則第一千四百六十號例當補錄前以正訛

楚弓得得 ○潮人林某孔武有力口熟識水性大有水滸所載張橫張順等之能惟不務正業日以盜舟為生涯昨由叻盜得一舟則駛至寥內發賣在寥內盜得者則來助沽之習以為常以為獨得之秘其行舟之法不假外求一人之力綽綽有餘計其由寥內掠舟來助僅閱兩日一夜即可抵埠惟昨乾餅時故以為幸饒之用餘皆不用亦一奇能也初四早由寥內駛至一艇時旭日始昇晨光熹微急棹之中靜觸一取魚之木柵欄為某穆拉油人所立蓋以捕魚者也穆拉油人火怒駕舟追之林某水而遁其疾如奔激浪衝波迫之不及所棄之舟為穆拉油人拾得視之即其弟物也蓋船上有號數目且什物皆能認得方知林之棄之者為盜心虛之故也

兵困綠林 ○閩緬甸信言接到馬松消息謂馬松巡捕官以隊動賊匪林某須至突出相攻兵士喪亡不知凡幾總兵官聞

蜜酒出賣



法國頂上蜂窠標萬蘭池酒出售




敬啟者茲本公司親由法國督辦頂上好萬蘭池酒來
助發售其酒清香濃郁醇厚異常飲之誠可令人長血
氣壯筋骨悅顏色妙美無窮今市上所有萬蘭池酒無
有能出其右者誠佐饌中妙品也至此酒惟本公司一
家沽出餘無別家出售 諸君光顧請細認蜂窠標頭
為記並細辨香味方不致誤價甚相宜倘有劉伶之癖
者祈早惠臨沽買是荷
大英一千八百八十八年六月二十號
大清光緒十四年五月十一日 明碼也公司謹啟

英國新出頂上花露水出售



敬啟者茲本公司所製之花露水及高浪水最為佳製
其香之清而且久非尋常可及素已馳譽歐洲用此水
者莫不噴噴稱為妙品歷經荷領寶星七次以獎其佳
妙處可知茲特佈
辦者祈請致本公
司取討價單便知一切特此佈 聞
大英一千八百八拾七年四月二十五號
大清光緒十三年 加刺安巴馬厘公司謹啟

爐 機



代中西土商修整各種損壞機器工價格外公道如有 貴客賜顧者請至本
廠面議特此佈聞 西一千八百八十一年十一月廿六號 鐵來安公司啟

巧機器火油火鋸大磨之器其大小輪船汽機鍋爐各款新式機器
購一應俱全無不堅固耐久靈便合用廣大印地方本公司開設有分廠

中外眾國有保險公司

本公司資本銀一百萬員 收銀人
在倫敦本行代理承保各商貨物及用
照例所有花紅之數俟結賬之後按
數分派前一千八百七十七年
一千八百八十年每股得利息銀計三
八仙又一千八百八十年至一千八
百八十二年每股得利息銀計一八
仙諸貴商賜顧者請至本行面議
可也 大清光緒九年 月 日
英一千八百八十三年八月廿七號
德寶德公司謹啟

各 到 石印各 諸君欲購者請至其 諸君欲購者請至其 諸君欲購者請至其

啟者茲本行由歐洲辦到上等密酒
來助發售其酒甚佳茲將標頭印出
諸君光顧祈為細認免致有誤倘
有無恥之徒假冒本行鎖匙標者本
行定必嚴為控究再此酒不能販往
加勝吧 三寶壟 泗里末
望加錫 檳榔嶼 日裡等處其
他各埠均能運往並此佈聞
大英一千八百八十六年十一月十
八號 明碼也洋行謹啟



售發酒密烏

售發酒密上頂國西



啟者本行向由英國督辦各種美酒來叻發售久已遐邇馳名茲復由英新辦到頭爾士斗雲字號之狗頭標烏密酒到叻應沽此酒香爽異常不惟飲之可口且能保養精神調和血氣常飲令人不生疾病誠酒國中上品也諸君光顧應細看以上所列之狗頭標庶不致誤且價甚相宜倘諸君有欲酷飲者請至本行取用可也此佈
大英一千八百八十八年八月十五號 明嗎也洋行啟

Culmbacher Bock-Bier



啟者茲本行親由歐洲督辦頂上正裝密酒來叻發售其酒香爽異常且蒸製最為得法功能清涼解毒暑除煩於南洋尤屬相宜常飲之可令人不沾暑濕癘疫等症茲特將來發價甚相宜諸君欲購買者請認以上所印此酒標頭慎為選擇以免為魚珠之混是所切盼特此佈聞
大清光緒十四年九月廿七日
大英一千八百八十八年十月三十一號
美憐登洋行啟

佛羅新藥水

西國醫士佛羅斯配製治病滋補氣血藥水能治肝癆肺癆胃弱飲食停滯心悸多驚四肢酸軟身虛弱酒色過度等症經馳名於世二十餘年天下各國講究調養者多經服用屢試屢驗此藥水用玻璃樽裝載其如何功用另行布列一紙用華字印刊在樽附送一張用此藥水者每日飲三次俱晨午晚膳後乃飲每次用一茶匙以冷水或凍茶一酒杯開飲須食一樽之譜方得見効如蒙光顧請到中國各口岸西人藥房採買其在本坡則各藥房均有發售如欲多買者則請至然里洋行對門之新嘉坡藥房即勞末中藥房內麥加君處選購大樽每樽分作一百二十八服銀一元半每樽分作六十四服銀一元此佈
大英一千八百八十八年正月十八號

代驗機器 ○啟者余同習機器深於此道可以代人考驗因仁機器以及籌備機器等輪船等事倘諸君有輪船火礮火鋸等請往時加查驗有無損壞抑或新造輪船查驗否能自堅實等情亦無不可所償工值亦甚相宜或先與言明工價若干均從其便至於諸君欲買受機器者請往代為察驗合宜與否均能効勞諸君惠顧者請移玉趾至附近郵局之麥打厘路邊第四十四號門牌本寫字樓內相商再得此佈
大英一千八百八十九年四月號 西國機器師亞北詩啟

時款鐘表出售 ○啟者本店開設在國家信局對門即來安公司之隣專在歐洲督辦各式時款鐘表來叻發售計有銀表一種最為名貴每枚價銀二十五元并有大小各式金表甚多均屬富行出色者更有無須表匙自能上鍊之銀表每枚價銀五元其表甚為堅固至於時鐘則各體俱備無論掛鐘座鐘以及石質之鐘皆備其鐘皆異常美麗以備諸君選擇他如金表金匙相盒金表練金戒指等各物甚多不能備錄而本店并能代諸君修理鐘表以及風雨針等件甚為精細能晷度無訛諸君惠顧請即移玉 光臨為盼
大英一千八百八十八年四月十七號 模申鐘表店謹啟

懷德恩威 ○正月中央天津宮北承裕維多利亞店來有營勇數人需用年物鋪夥某當單開花樣一備均無外錯惟將藕粉誤爲鉛粉營勇購畢回營用作烹調毒斃營勇二人聞營譚然欲向該店索命該營風幾徐見農軍門曉下軍門亦赫赫震怒立遣差弁向該店理論店主聞之自知理屈起即央書爲說辭者代爲緩頰並願出資從豐棺殮厚贈銀軍門初尚不允繼因再三瀆請亦爲首肯于是居間排解者感軍門汪汪之量深爲欽佩除枉死之勇飭令該店每名贈銀三百兩外並相與製德政牌以申報稱軍門讓而後受且即日設筵款之該店誠不幸中之大幸而軍門之休休有容兩全其美則誠有足多者

海軍會操 ○上月二十七日起至本月初五日日本海軍在東京各灣操演將軍艦分作兩隊一爲敵一爲主派烏海筑紫春日海門高千穗浪速六號爲敵艦先出清水港暫泊至二十七日從房州館山灣直進作掩襲之勢所有扶桑彗城龍驤島城愛宕摩耶武藏大和日進鳳翔等十艘爲主艦早設防禦滿珠千珠二艘隱在灣口爲犄角一見敵艦即出迎擊一戰一掃主軍得勝奏樂擊鼓敵艦作退後狀忽又前進突出不意將主艦襲擊又有一場惡戰主軍漸披靡退入東京灣至造船所敵艦乘勢迫主艦協力復與之戰再接再厲各用炮及水雷等攻擊敵艦稍却是役也雖係演習頗不視同兒戲日人之講求武備如此

總署增稿 ○總理衙門謹 奏爲遵 旨議覆事光緒十四年十一月初十日軍機處抄交出使大臣洪鈞奏洋務儲才一摺本日奉硃批該衙門議奏欽此欽遵到臣衙門等查原奏內稱科館選貢吉士不下七八十人若令堂院學士就新科館選中擇派出洋界以二三等參贊三年期滿有能嫺習交涉事體者究宜強功及明於製器明礦化學諸務者由臣臣保奏授帶編檢請 飭詳議章程奏明辦理一節查吏部奏定章程翰林院庶吉士無論何項勞績不准保免其散館所以重清班也庶吉士初習館職多係少年聰穎之才若使研究西學講習自較易爲力果有熟諳洋務堪堪出洋之選者應准出使大臣隨時奏請以資歷練如屆散館之期其願回華考試者仍聽其便所請保免散館之處似未便更改舊章應請毋庸置議其庶吉士業經留館之編檢及正途出身之部員果有才能出眾者即由出使大臣自舉所知奏明調帶又原奏內稱總署爲洋務總匯之區應就經考取章京正途出身人員擇派參隨俾得先期閱歷一節查臣衙門章京向有調派充當參贊者應如所請嗣後於已經考取及已經傳補之章京內擇其才識通達者隨時由臣等酌量選派前赴襄辦交涉事宜以資臂助又原奏內稱清使駐紮歲糜巨款請飭下臣衙門明定限制一節查出使參贊隨員人數向由出使大臣奏請遣派報之臣衙門查核惟公事既有繁簡之別即人數宜有多寡之分況出使各國路途遙遠川資薪水諸多煩費隨帶員數不可漫無限制致滋糜費上年二月間臣衙門奏減出使經費摺內曾令各出使大臣於所帶員弁人等有可裁減之處自行酌定以節冗費奉 旨允准通行知照在案茲該大臣請定限制自係爲樽節費起見查前出使英國大臣郭嵩深奏帶隨員摺內酌定參贊二員翻譯四員其餘隨員武弁醫士分別調派未定數目等因嗣後各國各口應駐領事之處業經奏商定有定冊附建職增減外擬請嗣後使臣館中准設參贊二員翻譯二員隨員二員供事二員武弁醫士各一員其兼攝他國設有使館者准添參贊翻譯隨員供事各一員作爲定額不得再過此數俾一人得收一人之用庶經費不多增功歸實際至所稱以游歷經費併入度支一節查上年臣衙門請派出洋遊歷人員章程內奏明於出使經費項下節省四萬餘兩以供派員游歷之資經費本不充裕故不得不限定人數現在游歷人員尚未滿回京是否實有制器通算測地知兵之選難以懸揣一俟游歷人員期滿後再由臣衙門酌核情形奏明辦理所有臣等遵議各緣由恭摺具陳伏乞 皇太后 皇上聖鑒訓示遵行謹 奏光緒十四年十二月十五日奉 硃批依議欽此

東報彙譯 ○日本各警察署向來所僱巡街捕爲首者掛腰刀以下均手持長棍日人名曰警棒在街上來去時刻不離警察長以其不雅觀且遇捉拿人犯又屬不便因請於上官改用短棒其棒長二尺許堅木製成柄穿革紐繫在腰間上印金色旭草並刊各地警察署字樣長崎港一律于四月一號改用矣○日本初與各國通商來此者頗有賓主如歸之樂路不拾遺夜不閉戶罕聞有竊盜事近年風俗日瀆鼠竊狗偷之輩往往出沒於浴堂客店中去年本龍明之大浴堂有華人洗澡被竊銀洋衣物等件如是者數次失業無賴之華人也被勾結入黨將扮日裝想日人指使擅敢塗臉持刀負夜入人家搶劫初本月新破一案經請領事少風太守派捕協同日捕往福州人陳某家抄出原贓當改入贓一併交案陳某口供狡辯一百用刑訊究供出實由日人二名勾引主使並有張某同往上年十一月所盜皆日人衣物張某事後即赴橫濱刻下分別收禁將來定須遞解回籍日人亦必經日官照例重懲此案破後未幾八間會館報失銅錫器皿及字畫統值百金三江會館又報失竊銅銀器具案尚未破不知是誰所盜宵小橫行各商家未便如前此之疏於防範矣識者謂華人之失業無賴者皆華官一律遣回一面再請日官將賊盜勾引華人入夥者加等治罪庶得除莠安良之法也○戶町村及浦止山里村信奉耶穌教者歷在路拾得貧民所棄子女數十名設法養育歸入教中上月三十號警察署諭知民家此後貧民欲棄兒女者當報警察署違者罰○高等商業學校校長兼監事成瀨隆藏奉命出遊各國視察商業上月三十日行抵長崎寄寓維屋本月一號赴上海轉往香港取道買魯衰利赴倫敦遊歷六個月到法國博覽會再游德國意大利復回英京限明治二十三年春回朝覆命

京報選錄

○和碩親王臣世鐸等謹

奏為遵

旨會議火班章程謹擬事宜恭摺仰祈

聖鑒事竊臣等前奉

諭旨禁城向來

設立火班官兵備豫不虞近年以來日就廢弛器具等項亦不全備亟應認真整頓著軍機大臣總管內務府大臣會同步軍統領衙門妥議章程具奏欽此臣等遵即檢核例案查現辦之章程因日久弛懈多係有名無實現存之器具亦因年久失修諸多不堪適用亟應認真整頓以備不虞臣等公同商酌仍依舊章辦法酌量變通擬添兵數以求核實請 派專員以歸統屬等給口分以資津貼另購器具以期適用謹擬章程八條謹繕清單恭呈御覽是否有當伏乞 皇太后 皇上聖鑒訓示遵行謹 奏 奉 旨已錄單開 一火班官兵統歸一項以專責成也查得現行章程 禁城內每日步軍統領衙門官三員步甲一百名內務府護軍八名披甲蘇拉各二十名鑾儀衛官一員按尉三十名共一百八十二員名 東西華門外大連房設官二員領催二名披甲蘇拉各四十名查此項兵丁集湊而成漫無統屬分隸各處稽查難期週致奉行日久盡成具文且一切激桶器具年久失修亦多不堪適用遇有緊急難期得力今擬稍為變通辦法將火班兵丁除步軍營兵丁一百名仍照舊值班外其餘護軍營鑾儀衛各處湊集之兵令其均歸原處當差專由內務府蘇拉處挑選年力精壯民役蘇拉二百名充當激桶兵之差不派別項差使分爲兩班五日一換另選蘇拉頭目二十名充當激桶嘴子之差隨班更替每日晚間演習一次演畢將激桶全行添冰以備次日激打如此逐日演練自能日久熟習 一激桶器具均宜添置也查舊設激桶桶小不堪適用又加以年久失修間有損壞一切器具諸多不齊今擬仿照會局規模探買頭號洋激桶四架二號四架號衣三百二十件長杆號燈三十二枝提杆小燈一百六十個催木旗八十杆隨上油木篋八十付另備水篋一百二十付長短木梯各四張杆水篋八十付桶水篋八付鐵矛八付提鉤二十杆柳鐵八十個鐵鋸八付鑼頭二十把以備應用並於附近值班處所由內務府擇選房間數處作為存儲之所如有殘缺隨時呈報由內務府派員修理 一值班處所擬稍為更換也步軍統領衙門設官三員步甲一百名在 武英殿前值房住班內務府披甲蘇拉等在 東西華門外大連房內分設今內務府原府之兵既改為專用蘇拉一項自應在 禁城以內值宿步甲由外統轄自應在 禁城以外值宿今擬將武英殿前值房改為新設之內務府激桶兵住班之所其步軍營步甲一百名移於 東華門外大連房各分五十名東西住宿 城內之兵逐日晚間在內演習 城外之兵逐日晚間在外演習 派出之稽查火班大臣統轄以專責成 一新設激桶官兵宜酌量給口分也新設民役蘇拉本無錢糧今既派充激桶兵丁責以逐日演習分班住宿自應優給口糧以資津貼今擬將激桶官兵每員日給口分銀二錢激桶兵頭目每名日給口分銀一錢五分派蘇拉處之內管領管轄今擬揀派關防衙門差務習之內管領二員副內管領四員亦需給口分給流值班步甲激桶兵丁責其管轄教練其步軍統領衙門步甲一百名亦由步軍統領衙門揀派妥實地方官四員亦需給口分給流值班步甲激桶兵丁責其管轄教練 一新設激桶兵宜請 簡派大臣統轄也查向章火班官兵並無大臣專管一切勤惰漫無考終今已專古處所擬請 欽派大臣數員作為專管各處官員兵丁均歸其統轄每日督飭該官兵演習器具稽查值班人數官員如有疏懈由該大臣奏參兵丁如有曠慢由該大臣責革 一各處吉祥紅宜隨時添水也禁城內原設吉祥紅向分冬夏隨時添水 宮內吉祥紅關防衙門內管領向遵舊制率領蘇拉進 內添水惟 三殿以前外圍吉祥紅因年久廢弛多不上水擬自定章以後除 內圍仍遵舊制關防衙門管領添水外其外圍各紅即責成新設激桶處蘇拉於每日輪流按處添水添足並派司員四員五日一查 一各門值班官兵宜遵舊章遇事聽調也查例載 午門等十四處值班護軍遇事不准派撥其左翼門等二十三處護軍如遇有事每處應派護軍二名由值班章京統帶內務府朱車三十二處各處披甲軍二名由值班騎校統帶今擬仍遵舊例撥派均歸統率大臣督率俾有遵循 一十寶第片 再即武府知府劉錫金據報病故所遺邵武府篆應即遞補接署以資表查率有候補班前補用知府唐寶泰堪以委署據福建藩司張夢元臬司奎俊會詳前來除飭遵照外謹附片具奏伏乞 聖鑒再邵武府員缺據司詳閩省現有應補人員應行扣留外補合併聲明 奏奉 硃批吏部知道欽此

大清光緒十五年四月初五日

玉趾到敝棧會餐從今與林佐會無涉謹此 告

聲明告白 ○特字通知 諸寶號茲林佐會於本月初三日總領別開生業緣已無任做萬興棧事務凡有與敝棧來往長短請移

玉趾到敝棧會餐從今與林佐會無涉謹此 告

招人修路 ○大英欽命嘉坡輔政使司 為招人承修道路事照得現在欲修理道路由佐郎律起至左厝港止計該路長共九千三百三十英尺特此曉諭商民人等一體知悉如有欲充其役者可於西五月三號即華曆四月初四日以前入票投交本署以憑國家選擇現國家前欲在丹戎巴葛建做路館一間所入之票則限至西五月六號即華曆四月初七日止如有欲知其詳細者可向營造司署詢問便得各宜踴躍幸無觀望切切此諭 大英一千八百八十九年四月三十號 示

木蘭告白 ○啟者架冷橋脚心馬元之火船廠自唐四月初二日即英某月 號起已為患患和貴客欲採辦板者請移玉步往問森茂號便知特此奉 聞 大英一千八百八十九年四月三十號 患患和貴客欲採辦板者請移玉

步往問森茂號便知特此奉 聞 大英一千八百八十九年四月三十號 患患和貴客欲採辦板者請移玉

步往問森茂號便知特此奉 聞 大英一千八百八十九年四月三十號 患患和貴客欲採辦板者請移玉

至十二月十一日即華五月十七日禮拜六以前入票其須蓋用火漆上寫交本境督轅參贊以憑國家藥取各宜踴躍慎無觀望切切此諭
大英一千八百八十九年四月三十號
大清光緒十五年四月初一日

招承稅務 ○大英北慕領輔政使司 為招承稅務事照得仙那港東方在丹戎因拿律丹起至沙北高及 阿覺占達 急卑路加耶 鎮巴打士等處現欲招人承辦西本歲下半年出口餉稅所有土產均歸承充人收取惟燕窩一項不在其內而以上所列地方之入口稅亦招人承攬如各式洋酒 食鹽 雜烟 火柴等物入口之稅均歸其收取如再求增給地方俾收稅項亦無不可倘欲知其詳細者在叻可詢問然申洋行在港可詢卑釐他林保洋行如有欲承此役者可於西六月十五號即華五月十七日禮拜六以前入票其票須蓋用火漆上寫交本境督轅參贊以憑國家藥取各宜踴躍慎無觀望切切諭此
大英一千八百八十九年四月三十號 示

尋人告白 ○茲有男子一名姓張名忠年二十歲番馬捕房人原係姓陶身材短小單眼白面瘦於本年二月廿一日被人所誘由香港搭勿者十毡拿火船往日理因船中各客客不願往日理中途在船中嘈鬧司舟因將該客帶至新嘉坡如有查知此人下落前來報知俾得往贖即酬花紅銀十大元如有收留者祈將此子送回朱廣蘭號即酬花紅銀三十元正其銀由叻朱廣蘭代交決不食言此帖是實
大清光緒十五年歲次己丑三月廿一日 表兄陶敦復告白

車馬發售 ○敬啟者茲有馬車一輛並馬一對甚為精美其車乃係峇打刺土地方著名工師心中所做寄至叻地更請南末兄弟重新修理其馬係為阿納之種甚為雄壯善於駕駛遲速可如人意或用單馬或用雙馬均無不可並有鞍轡等件無論單馬雙馬之鞍轡俱全此車馬等乃係按察使司之物如有欲為買受者請至本館詢問便得
大英一千八百八十九年四月十九號 巴越館主謹啟

妙手鑲牙 ○牙科一途雖云小道然亦頗難問世蓋必須盡得此中之奧方能無愧於心若得一知半解即欲以應人求則鮮有不至於誤事者余向在歐洲精習牙科醫術舉凡鑲牙補牙脫牙以及牙科各症無不深通其奧前者曾至加勝巴三寶龍泗水以及爪哇地方售術均蒙 諸君獎譽尤為二寶龍馬妙泉馬天所賞識並撰文以傳美譽現在挾術遊叻寓居附近英大教堂之亞打非酒店內第十六號房中每日由上午十點鐘至下午五點鐘均在館候醫 諸君有欲就教者請即惠臨為盼
大英四月一號 西國牙科醫生非立謹啟

招延夥伴 ○啟者茲倫敦有某英商欲在檳城慕娘暹羅日理泗水仰光等處各延請一人駐紮各地專代諸仕商購辦歐洲各物如有欲承此役者可至叻渣打銀行向余相商便得特此佈聞
大英一千八百八十九年四月四號 劉清玉謹啟

列願干那芽花露水 ○此水係以干那芽花所製其花出自日理國中香冠凡卉乃列願君在日本探辦載回法京製成此水以故其香甚清而其用亦甚善如皮膚有皺裂等病抹此香水固能愈痊尤可解蚊口之毒若以此香水和水盥洗固能令人肌膚嫩滑顏色光潤且諸瘡不生本藥房製成此種花露水銷流已久遐邇傳揚不料近有德商仿照本藥房所造此水以圖射利其氣味遠遜過隔霄壤 諸尊有購此水者請看以下所列第一款之西字標頭本藥房所用製載此水之樽係有浮凸字樣如下所列第二款之西字註明列願公司字樣如標各均有細書號據始為真貨否則係為混冒向祈慎購至於各人等如有冒本藥房花露水或由外處運來或在本坡發售一經本藥房查出定必嚴行控究至本藥房之花露水係託新嘉坡藥房麥加君代售並未開枝別處併此聲明此佈
RIGAND'S KANAGA WATER.
KANAGA DEPOSE
4430.

MORRHUOL.
模好呂解毒藥丸 ○此丸治虛損吐血花柳傳毒咳嗽哮喘目痛重舌等症其效如神且不惟解毒並能調和營衛葆養精神現在法英美等國醫士所用花柳敗毒之藥均用此丸無不藥到病除立見春回若服此丸須仿照魚肝油之法要緩緩吞下必於用飯時吞服一二粒切勿誤為急吞以背服法此丸係以樽裝每樽計一百粒茲託新嘉坡藥房麥加君處代售此佈
大英十一月八號

SANTAL MIDY,
DR. MIDY'S SANDAL OIL CAPSULES.
檀香油藥粒 ○此藥係製成油質以薄皮一重裹作粒形以便易吞而其藥力能治花柳淫毒白濁白帶帶瘰癧一切等症如症雖香痛服之立止而服藥後約歷二三日即見功效但所患過重者須每日吞食六次每次吞食二粒至痊愈後宜再服十日庶得消除後患永絕根株惟食此藥時宜戒色慾勿食辛辣勞動等事幸勿自誤致誤藥力之不神也現此藥託交新嘉坡藥房麥加君處代售此佈

FRUIT JULIEN.
浮律如里馬藥糖 ○此藥糖係採鮮果之汁加以藥料和製成塊略如糖粒氣味甘佳而其功效較於藥油為日無論男女婦老幼均能服食且其味有如糖菓最為適口尤為小兒所愛其藥力均可治胆汁太多重舌頭痛鬱結大便不通斑疹血熱血毒以及皮膚疥癩等症服之亦可涼血行滯且能令臟腑潔淨痼疾立除但服之法宜於臨睡時吞服一二粒至翌早飲茶一杯須臾即覺大便通利身體爽快現此藥託交新嘉坡藥房麥加君處寄售此佈

大英十一月八號

